

稼

軒

詞

一



稼

軒

詞

稼軒詞序

詞譜卷之六

稼軒

詞譜

卷之六

稼軒

詞譜

器大者聲必闕志高者意必遠知夫聲與意之本原則知歌詞之所自出是蓋不容有意於作爲而其發越著見於聲音言意之表者則亦隨其所蓄之淺深有不能不爾者存焉耳世言稼軒居士辛公之詞似東坡非有意於學坡也自其發於所蓄者言之則不能不坡若也坡公嘗自言與其弟子由爲文焚多而未嘗敢有作文之意且以爲得於談笑之間而非勉強之所爲公之於詞亦然苟不得之於嬉笑則得之於行

樂不得之於行樂則得之於醉墨淋漓之際揮毫未竟而客爭藏去或閑中書石興來寫地亦或微吟而不錄漫錄而焚藁以故多散逸是亦未嘗有作之之意其於坡也是以似之雖然公一世之豪以氣節自負以功業自許方將斂藏其用以事清曠果何意於歌詞哉直陶寫之具耳故其詞之爲體如張樂洞庭之野無首無尾不主故常又如春雲浮空卷舒起滅隨所變態無非可觀無他意不在於作詞而其氣之所充蓄之所發詞自不能不爾也其間固有清而麗

婉而嫵媚此又坡詞之所無而公詞之所獨也
昔宋復古張乖崖方巖勁正而其詞迺復有濃
纖婉麗之語豈鐵石心腸者類皆如是耶開久
從公游其殘膏賸馥得所需焉爲多因暇日哀
集冥搜才逾百首皆親得於公者以近時流布
於海內者率多贗本吾爲此懼故不敢獨閱將
以祛傳者之惑焉

淳熙戊申正月元日門人范開序

稼軒詞甲集目錄

摸魚兒 二

沁園春 二

水龍吟 三

滿江紅 十

水調歌頭 九

賀新郎

念奴嬌 六

新荷葉 二

最高樓 二

洞仙歌 二

八聲甘州

聲聲慢

江神子 四

六么令 二

滿庭芳 二

鷓鴣天 六

醜奴兒近

蝶戀花 四

定風波

臨江仙

三

菩薩蠻

五

西河天

六

木蘭花慢

二

朝中措

二

祝英臺令

烏夜啼

二

鵲橋仙

太常引

昭君怨

採桑子

即醜兒奴

杏花天

踏歌

一落索

千秋歲

感皇恩

青玉案

新碑

霜天曉角

南鄉子

稼軒詞阮郎歸

南歌子

小重山 二

西江月

減字木蘭花

清平樂 五

生查子 二

山鬼謠

魚即摸兒

聲聲慢

滿江紅 七

稼軒詞甲集目錄

意飛絮

長門事

擬佳期

如千金縱買相如

我休休此情誰

寄與

稼軒詞甲集



濟南

辛

弃疾

幼安

摸魚兒

正之置酒小山亭爲賦
更能消幾番風雨匆匆春又歸去惜春長恨花
開早何況落紅無數春且住見說道天涯芳草
迷歸路怨春不語笑只有殷勤畫簷蛛網盡日
惹飛絮長門事準擬佳期又誤蛾眉曾有人
妬千金縱買相如賦脉脉此情誰訴君莫舞君

不見玉環飛燕皆塵土
閑愁最苦休去倚危樓
斜陽正在烟柳斷腸處

觀潮上葉丞相

望飛來半空鷗鷺須臾動
地輦鼓截江組練驅
山去鏖戰未收貔虎朝
又暮誚慣得吳兒不怕
蛟龍怒風波平步看紅旆
驚飛跳魚直上感踏
浪花舞憑誰問萬里長鯨
吞吐人間兒戲千
弩滔天力倦知何事
白馬素車東去堪恨處
人道是子胥冤憤終千古
功名自誤謾教得陶朱

五湖西子一舸弄烟雨

沁園春

帶湖新居將成

三徑初成鶴怨猿驚稼軒未來甚雲山自許平
生意氣衣冠人笑抵死塵埃意倦須還身閑貴
早豈爲蓴羹鱸膾哉秋江上看驚弦鴈避駭浪
船回東岡更葺茅齋好都把軒窓臨水開要
小舟行釣先應種柳踈籬護竹莫礙觀梅秋菊
堪餐春蘭可佩留待先生手自栽沉吟久怕君
恩未許此意徘徊

思本指又

送趙江陵東歸再用前韻

佇立瀟湘黃鵠高飛望君不來被東風吹墮西
江對語急呼斗酒旋拂征埃却恠英姿有如君
者猶欠封侯萬里哉空贏得道江南佳句只有
方回錦帆畫舫行齋帳雪浪粘天江影開記
我行南浦送君折柳君逢驛使爲我攀梅落帽
山前呼鷹臺下人道花須滿縣栽都休問看雲
霄高處鵬翼徘徊

水龍吟

爲韓南澗尚書壽甲辰歲

渡江天馬南來幾人真是經綸手長安父老新
亭風景可憐依舊夷甫諸人神州沉陸幾曾回
首筭平戎萬里功名本是眞儒事君知否况
有文章山斗對桐陰滿庭清晝當年墮地而今
試看風雲奔走綠野風烟平泉草木東山歌酒
待他年整頓乾坤事了爲先生壽

又

次年南澗用前韻爲僕壽僕與公生

日相去一日再和以壽南澗

玉皇殿閣微涼看公重試薰風手高門畫戟桐
陰閣道青青如舊蘭佩空芳蛾眉誰妬無言搔
首甚年年却有呼韓塞上人爭問公安否 金
印明年如斗向中州錦衣行晝依然盛事貂蟬
前後鳳麟飛走富貴浮雲我評軒冕不如杯酒
待從公痛飲八千餘歲伴莊椿壽

又

登建康賞心亭

楚天千里清秋水隨天去秋無際遙岑遠日獻
愁供恨玉簪螺髻落日樓頭斷鴻聲裏江南游

子把吳鉤看了欄杆拍徧無人會登臨意 休
說鱸魚堪餽儘西風季鷹歸未求田問舍怕應
羞見劉郎才氣可惜流年憂愁風雨樹猶如此
倩何人喚取盈盈翠袖搵英雄淚

滿江紅

賀王宣子平湖南寇

笳鼓歸來舉鞭問何如諸葛人道是匆匆五月
渡瀘深入白羽風生貔虎譟青溪路斷猩鼯泣
早紅塵一騎落平岡捷書急 三萬卷龍韜客

渾未得文章力把詩書馬上笑驅鋒鏑金印明

年如斗大貂蟬却自兜鍪出待刻公勲業到

雲浯溪石

送湯朝美自便歸

瘴雨蠻烟十年夢樽前休說春正好故園桃李
待君花發兒女燈前和淚拜雞豚社裏歸時節
看依然舌在齒牙牢心如鐵 治國手封侯骨
騰汗漫排閭闔待十分做了詩書勲業常日念
君歸去好而今却恨中年別笑江頭明月更多
情今宵缺

又

送李正之提刑

蜀道登天一杯送繡衣
行客還自嘆中年多病
不堪離別東北看驚
諸葛表西南更草相如
檄把功名收拾付君侯
如椽筆兒女淚君休滴
荆楚路吾能說要新詩
準備廬江山色赤壁磯
頭千古浪銅鞮陌上三
更月正梅花萬里雪深
時須相憶

又

中秋寄遠

快上西樓怕天放浮雲遮月但平喚取玉纖橫
笛一聲吹裂誰做冰壺浮世界最憐玉斧脩時
節問嫦娥孤冷有愁無應華髮雲液滿瓊杯
滑長袖起清歌咽嘆十常八九欲磨還缺若得
長圓如此夜人情未必看承別把從前離恨總
成歡歸時說

又

建康史致道留守席上賦

鵬翼垂空笑人世蒼然無物還又向九重深處
玉堦山立袖裏珍竒光五色他年要補天西北

且歸來談笑護長江波澄碧 佳麗地文章伯
金縷唱紅牙拍看尊前飛下日邊消息料想寶
香黃閣夢依然畫舫青溪笛待如今端的約鍾
山長相識

又

贛州席上呈陳季陵太守

落日蒼茫風才定片帆無力還記得眉來眼去
水光山色倦客不知身近遠佳人已卜歸消息
便歸來只是賦行雲襄王客 些箇事如何得
知有恨休重憶但楚天特地暮雲凝碧過眼不

如人意事十常八九今頭白笑江州司馬太多
情青衫濕

又

江行和楊濟翁韻

過眼溪山恠都似舊時曾識是夢裏尋常行遍
江南江北佳處徑須携杖去能消幾兩平生屐
笑塵埃三十九年非長爲客 吳楚地東南拆
英雄事曹劉敵被西風吹盡了無陳迹樓觀纔
成人已去旌旗未捲頭先白嘆人間哀樂轉相
尋今猶昔

送鄭舜舉郎中赴召

湖海平生笑不負，蒼髯如戟聞道是。君王著意
太平長策，此老自當兵十萬。長安正在天西北，
便鳳凰飛詔下天來，催歸急。車馬路兒童泣。

風雨暗旌旗，濕看野梅官柳。東風消息莫向蔗
菴追語笑，只今松竹無顏色。問人間誰管別離
愁，杯中物。

游南巖和范廓之韻

笑拍洪崖問千丈翠巖誰削依舊是西風白馬
北村南郭似整復斜僧屋亂欲吞還吐林烟薄
覺人間萬事到秋來都搖落 呼斗酒同君酌

奪小隱尋幽約且丁寧休負北山猿鶴有鹿從
渠求鹿夢非魚定未知魚樂正仰看飛鳥却磨
人回頭錯

又

病中俞山甫教授訪別病起寄之

曲几蒲團方丈裏君來問疾更夜雨匆匆別去
一杯南北萬事莫侵閑鬢髮百年正要佳眠食

最難忘此語重殷勤千金直
西崦路東巖石
攜手處今陳迹望重來猶有舊盟如日莫信蓬
萊風浪隔垂天自有扶搖力對梅花一夜苦相
思無消息

水調歌頭

盟鷗

帶湖吾甚愛千丈翠奩開先生杖屨無事一日
走千回凡我同盟鷗鳥今日既盟之後來往莫
相猜白鶴在何處嘗試與偕來
破青萍排翠
藻立蒼苔窺魚笑汝癡計不解舉吾杯廢沼荒

丘疇昔明月清風此夜人世幾歡哀東岸綠陰
少楊柳更須栽

又

湯坡見和用韻爲謝

白日射金闕虎豹九關開見君諫疏頻上高論
挽天回千古忠肝義膽萬里蠻烟瘴雨往事莫
驚猜正恐不免耳消息日邊來笑吾廬門掩
草徑封苔未應兩手無用要把蟹螯杯說劍論
詩餘事醉舞狂歌欲倒老子頗堪哀白髮寧有
種一一醒時栽

又

自湖北漕移湖南總領王趙守置酒
南樓席上留別

折盡武昌柳掛席上瀟湘二年魚鳥江上笑我
往來忙富貴何時休問離別中年堪恨憔悴鬢
成霜絲竹陶寫耳急羽且飛觴序蘭亭歌赤
壁繡衣香使君千騎鼓吹風采漢侯王莫把驪
駒頻唱可惜南樓佳處風月已淒涼在家貧亦
好此語試平章

又

九日遊雲洞和韓南澗韻

今日復何日黃菊爲誰開淵明漫愛重九胷次
正崔嵬酒亦關人何事正自不能不爾誰遣白
衣來醉把西風扇隨處障塵埃爲公飲須一
日三百杯此山高處東望雲氣見蓬萊翳鳳驂
鸞公去落佩倒冠吾事抱病且登臺歸路有明
月人影共徘徊

又

再用韻答李子永

君莫賦幽憤一語試相開長安車馬道上平地

起崔嵬我愧淵明久矣獨借此翁湔洗素壁寫
歸來斜日透虛隙一線萬飛埃斷吾生左持
蟹右持杯買山自種雲樹山下劔烟萊百鍊都
成繞指萬事直須稱好人世幾輿臺劉郎更堪
笑剛賦看花回

又

和王正之右司吳江觀雪見寄

造物故豪縱千里玉鸞飛等閑更把萬斛瓊粉
蓋頗黎好卷垂虹千丈只放冰壺一色雲海路
應迷老子舊遊處回首夢耶非謫仙人鷗鳥

伴兩忘機掀髯把酒一笑詩在片帆西寄語烟
波舊侶聞道蓴鱸正美休製芰荷衣上界足官
府汗漫與君期

又

舟次揚州和人韻

落日塞塵起胡騎獵清秋漢家組練十萬列艦
聳高樓誰道投鞭飛渡憶昔鳴鶻血汚風雨佛
狸愁季子正年少疋馬黑貂裘今老矣搔白
首過揚州倦遊欲去江上手種橘千頭二客東
南名勝萬卷詩書事業嘗試與君謀莫射南山

虎直覓富民侯

又

和鄭舜舉蔗菴韻

萬事到白髮日月幾西東羊腸九折歧路老我
慣經從竹樹前溪風月雞酒東家父老一笑偶
相逢此樂竟誰覺天外有冥鴻 味平生公與
我定無同玉堂金馬自有佳處著詩翁好鎖雲
烟窓戶怕入丹青圖畫飛去了無蹤此語更癡
絕真有虎頭風

又

壽韓南澗七十

上古八千歲才是一春秋不應此日剛把七十
壽君侯看取垂天雲翼九萬里風在下與造物
同遊君欲計歲月當試問莊周 醉淋浪歌窈
窕舞溫柔從今杖屨南澗白日爲君留聞道鈞
天帝所頻上玉卮春酒冠珮擁龍樓快上星辰
去名姓動金甌

賀新郎

賦水仙

雲卧衣裳冷看蕭然風前月下
水邊幽影羅襪

塵生淩波去湯沐烟江萬頃愛一點嬌黃成暈
不記相逢曾解佩甚多情爲我香成陣待和淚
收殘粉靈均千古懷沙恨當時匆匆忘把
此仙題品烟雨淒迷儻憊損翠袂搖搖誰整謾
寫入瑤琴幽憤絃斷招魂無人賦但金杯的皜
銀臺潤愁殢酒又獨醒

念奴嬌

和南澗載酒見過雪樓觀雪

兔園舊賞悵遺蹤飛鳥千山都絕縞帶銀杯江
上路惟有南枝香別萬事新奇青山一夜對我

頭先白倚巖千樹玉龍飛上瓊闕莫惜霧鬢
風鬟試教騎鶴去約尊前月自與詩翁磨凍硯
看掃幽蘭新闕便擬人間揮汗留取層冰
潔此君何事晚來還易腰折

又

賦白牡丹和范廓之韻

對花何似似吳宮初教翠圍紅陣欲笑還愁羞
不語惟有傾城嬌韻翠蓋風流牙籤名字舊賞
那堪省天香染露曉來衣潤誰整最愛弄玉
團酥就中一朵曾入揚州咏華屋金盤人未醒

燕子飛來春盡最憶當年沉香亭北無限春風
恨醉中休問夜深花睡香冷

又

登建康賞心亭呈史致道留守

我來弔古上危樓贏得閑愁千斛虎踞龍蟠何
處是只有興亡滿目柳外斜陽水邊歸鳥隴上
吹喬木片帆西去一聲誰噴霜竹 却憶安石
風流東山歲晚淚落哀箏曲兒輩功名都付與
長日惟消棋局寶鏡難尋碧雲將暮誰勸杯中
綠江頭風怒朝來波浪翻屋

又

書東流村壁

野棠花落又匆匆過了清明時節
剗地東風欺客夢
一夜雲屏寒怯
曲岸持觴垂楊繫馬
此地曾輕別樓空人去
舊遊飛燕能說
聞道綺陌東頭
行人長見簾底纖纖月
舊恨春江流未斷
新恨雲山千疊
料得明朝尊前重見
鏡裏花難折也
應驚問近來多少華髮

又

西湖和人韻

晚風吹雨戰新荷聲亂明珠蒼壁誰把香奩收
寶鏡雲錦紅涵湖碧飛鳥翻空遊魚吹浪慣趁
笙歌席坐中豪氣看公一飲千石翠遙想處士
風流鶴隨人去老作飛仙伯茅舍踈籬今在否
松竹已非疇昔欲說當年望湖樓下水與雲寬
窄醉中休問斷腸桃葉消息

賦雨巖

今風高妹醉封千額

近來何處有吾愁何處還知吾樂一點淒涼千
古意獨倚西風寥廓竝竹尋泉和雲種樹喚做

真閑客此心閑處不應長藉丘壑
休說往事皆非而今云是且把清尊酌
醉裏不知誰是我非月非雲非鶴
露冷風高松梢桂子醉了還醒
却北窓高卧莫教啼鳥驚著

新荷葉

和趙德莊韻

人已歸來杜鵑欲勸誰歸綠樹如雲等閑借與
鶯飛兔葵燕麥問劉郎幾度沾衣翠屏幽夢覺
來水繞山圍有酒重攜小園隨意芳菲往日
繁華而今物是人非春風半面記當年初識崔

徽南雲鴈少錦書無箇因依

香艾款又琴蓋臨柳柳重長

西園買鵲再和金鷄之味柳

春色如愁行雲帶雨才歸春

低飛閑愁幾許更晚風特地

聲似解重圍光景難攜任他

從前不應詩酒皆非知音絃

徽停杯對影待邀明月相依

斷交卦最高樓小山柳

尋安直外醉中有索四時歌

長安道投老倦遊歸七十古來稀藕花雨濕前
湖夜桂枝風澹小山時怎消除須殢酒更吟詩
也莫向竹邊孤負雪也莫向柳邊孤負月開
過了總成癡種花事業無人問對花情味只天
知笑山中雲出早鳥歸遲

春風吹綠楊民瞻席上用前韻賦牡丹

西園買誰載萬金歸多病勝遊稀風斜畫燭天
香夜涼生翠蓋酒酣時待重尋居士譜謫仙詩
看黃底御袍元自貴看紅底狀元新得意如

斗大只花癡漢妃翠被嬌無奈吳娃粉陣恨誰
知但紛紛蜂蝶亂送春遲

洞仙歌

爲葉丞相作

江頭父老說新來朝野都道今年太平也見朱
顏綠鬢玉帶金魚相公是舊日中朝司馬去遙
知宣勸處東閣華燈別賜仙韶接元夜問天上
幾多春只似人間但長見精神如畫好都取山
河獻君王看父子貂蟬玉京迎駕美泉平

又

請泉故音調林巽周九泉齋題

訪泉於竒師村得周氏泉爲賦

飛流萬壑共千岩爭秀孤負平生弄泉手嘆輕
衫短帽幾許紅塵還自喜濯髮滄浪依舊人
生行樂耳身後虛名何似生前一杯酒便此地
結吾廬待學淵明更手種門前五柳且歸去父
老約重來問如此青山定重來否

八聲甘州

爲建康胡長文留守壽時方閱拆紅
梅之舞且有錫帶之寵

把江山好處付公來金陵帝王州想今年燕子

依然認得王謝風流只用平時尊俎彈壓萬貌
貅依舊鈞天夢玉殿東頭看取黃金橫帶是
明年準擬丞相封侯有紅梅新唱香陣卷溫柔
且華堂通宵一醉待從今更數八千秋公知否
邦人香火夜半纔收

聲聲慢

長爲東京賦紅木犀 余兒時嘗入京師禁中

凝碧池因書當時所見

開元盛日天上栽花月殿桂影重重十里芬芳

一枝金粟玲瓏管絃凝碧池上記當時風月愁

儂翠華遠但江南草木烟鎖深宮
只爲天姿冷澹被西風醞釀徹骨香濃
枉學丹蕉葉展偷染妖紅道人取次裝束
是自家香底家風又怕是爲淒涼長在醉中

江神子

和人韻

梅梅柳柳鬪纖穠亂山中爲誰容
試著春衫依舊怯東風何處踏青人未去
呼女伴認驕驄兒家門戶幾重重
記相逢畫橋東明日重來風雨暗殘紅
可惜行雲春不管裙帶褪鬢雲鬆

又

和陳仁和韻

玉簫聲遠憶駢鸞
幾悲歡帶羅寬
且對花前痛飲
莫留殘歸去
小窓明月在雲一縷
玉千竿
吳霜應點鬢雲斑
綺窓閑夢連環
說與東風歸意
有無間
芳草姑蘇臺下路
和淚看小屏山

又

博山道中書王氏壁

一川松竹任橫斜
有人家被雲遮
雪後踈梅時見
兩三花
比桃源溪上路
風景好不爭多

旗亭有酒徑須賒晚寒些怎禁他醉裏匆匆歸
騎自隨車白髮蒼顏吾老矣只此地是生涯

和人韻

曠雲殘日弄陰晴晚山明小溪橫枝上綿蠻休
作斷腸聲但是青山山下路春到處總堪行
當年彩筆賦蕪城憶平生若爲情試取靈槎歸
路問君平花底夜深寒色重須拚却玉山傾

六么令

用陸氏事送玉山令陸德隆

酒羣花隊攀得短轅折誰憐故山歸夢千里尊
羹滑便整松江一棹點檢能言鴨故人歡接醉
懷雙橘墮地金圓醒時覺長喜劉郎馬上肯
聽詩書說誰對叔子風流直把曹劉壓更看君
侯事業不負平生學離觴愁怯送君歸後細寫
茶經煮香雪

又

再用前韻

倒冠一笑華髮玉簪折陽關自來淒斷却恠歌
聲滑放浪兒童歸舍莫惱比隣鴨水連山接看

君歸興如醉中醒夢中覺
江上吳儂問我一
一煩君說坐客尊酒頻空
賸欠真珠壓手把漁
竿未穩長向滄浪學問
愁誰怯可堪楊柳先作
東風滿城雪

滿庭芳

和洪丞相韻呈景盧舍人

急管哀絃長歌慢舞連娟
十樣宮眉不堪紅紫
風雨曉來稀惟有楊花
飛絮依舊是萍滿芳池
酴醾在青虬快剪插遍
古銅彝誰將春色去
鸞膠難覓絃斷朱絲恨
牡丹多病也費醫治夢

裏尋春不見空腸斷怎得春知休惆悵一觴一
咏須刻右軍碑

又

柳外尋春花邊得句恠公喜氣軒眉陽春白雪
清唱古今稀曾是金鑾舊客記鳳凰獨遶天池
揮毫罷天顏有喜催賜上方彛

公在詞掖嘗拜
尚方寶鼎之賜

只今江海上鈞天夢覺清淚如絲筭除非痛

把酒療花治明日五湖佳興扁舟去一笑誰知
溪堂好且拚一醉倚杖讀韓碑

堂記公
所製

鷓鴣天

鵝湖寺道中

一榻清風殿影涼
涓涓流水嚮回廊
千章雲木鈎輶叶
十里溪風穉杓香
衝急雨趁斜陽
山園細路轉微茫
倦途却被行人笑
只爲林泉有底忙

又

代人賦

晚日寒鴉一片愁
柳塘新綠却溫柔
若教眼底無離恨
不信人間有白頭
腸已斷淚難收
相思重上小紅樓
情知已被山遮斷
頻倚闌干不

自由

又

鵝湖歸病起作

翠竹千尋上薜蘿
東湖經雨又增波
只因買得青山好
却恨歸來白髮多
明晝燭洗金荷
主人起舞客齊歌
醉中只恨歡娛少
明日醒時奈病何

又

送人

唱徹陽關淚未乾
功名餘事且加餐
浮天水送

無窮樹帶雨雲埋一半山
今古恨幾千般只
應離合是悲歡江頭未是風波惡別有人間行
路難

又

代人賦

撲面征塵去路遙香篝漸覺水沉銷
山無重數週遭碧花不知名分外嬌
人歷歷馬蕭蕭旌旗又過小紅橋
愁邊剩有相思句搖斷吟鞭碧玉梢

又

鵝湖歸病起作

枕簟溪堂冷欲秋，斷雲依水晚來收。
紅蓮相倚渾如醉，白鳥無言定自愁。
書咄咄，且休休，一丘一壑也風流。
不知筋力衰多少，但覺新來嬾上樓。

博山道中效李易安體

千峰雲起驟雨一霎時，價更遠樹斜陽風景怎
生圖畫青旗賣酒山那畔，別有人間只消山水
光中無事過這一夏。長午醉醒時，松窓竹戶萬

千瀟洒野鳥飛來又是一般閑暇却恠白鷗覩
著人欲下未下舊盟都在新來莫是別有說話

十和雲蝶戀花一霎翻賞更盡懽懽風景意

送祐之弟效李長安韻

衰草殘陽三萬頃不筭飄零天外孤鴻影幾許
淒涼須痛飲行人自向江頭醒會少離多看
兩鬢萬縷千絲何況新來病不是離愁難整頓
被他引惹其他恨

又今俗妹瀾雲於水郊來郊

和楊濟翁韻

點檢笙歌多釀酒蝴蝶西園暖日明花柳醉倒
東風眠永晝覺來小院重攜手可惜春殘風
雨又收拾情懷長把詩偏憊楊柳見人離別後
腰肢近日和他瘦

又

月下醉書兩岩石浪

九畹芳菲蘭佩好空谷無人自怨蛾眉巧寶瑟
泠泠千古調朱絲絃斷知音少自冉冉年華吾
自老水滿汀洲何處尋芳草喚起湘纍歌未了
石龍舞罷松風曉

席上贈楊濟翁侍兒

小小華年才月半羅幕春風幸自無人見剛道
羞郎低粉面旁人瞥見回嬌眇昨夜西池陪
女伴柳困花慵見說歸來晚勸客持觴渾未慣
未歌先覺花枝顫

定風波

暮春漫興

少日春懷似酒濃插花走馬醉千鍾老去逢春
如病酒惟有茶甌香篆小簾櫳卷盡殘花風

未定休恨花開元自要春風試問春歸誰得見
飛燕來時相遇夕陽中

臨江仙

探梅

老去惜花心已嬾愛梅猶遶江村一枝先破玉
溪春更無花態度全有雪精神 賸向空山飡
秀色爲渠著句清新竹根流水帶溪雲醉中渾
不記歸路月黃昏

又

醉宿崇福寺寄祐之以僕醉先歸

莫向空山吹玉笛壯懷酒醒心驚四更霜月太
寒生被翻紅錦浪酒滿玉壺冰 小陸未須臨
水笑山林我輩鍾情今宵依舊醉中行試尋殘
菊處中路候淵明

又

和前韻

鍾鼎山林都是夢人間寵辱休驚只消閑處過
平生酒杯秋吸露詩句夜裁冰 記取小窓風
雨夜對牀燈火多情問誰千里伴君行晚山眉
樣翠秋水鏡般明

菩薩蠻

稼軒日向兒童說帶湖買得新風月頭白早歸
來種花花已開功名渾是錯更莫思量著見
說小樓東好山千萬重

又

書江西造口壁

鬱孤臺下清江水中間多少行人淚東北是長
安可憐無數山青山遮不住畢竟江流去江
晚正愁予山深聞鷓鴣

又

送祐之弟歸浮梁

無情最是江頭柳長條折盡還依舊木葉下平
湖鴈來書有無鴈無書尚可妙語憑誰和風
雨斷腸時小山生桂枝

又

賞心亭爲葉丞相賦

青山欲共高人語聯翩萬馬來無數烟雨却低
回望來終不來人言頭上髮總向愁中白拍
手笑沙鷗一身都是愁

又

坐中賦櫻桃

香浮乳酪玻璃碗
年年醉裏嘗新慣
何物比春風
歌唇一點紅
江湖清夢斷
翠籠明光殿
萬顆寫輕勻
低頭媿野人

西河

送錢仲耕自江西漕赴婺州

西江水道是西風
人淚無情却解送
行人月明千里從
今日日倚高樓
傷心烟樹如薺
會君難別君
易草草不如人意
十年著破繡衣
苜種成桃李
問君可是厭承明
東方鼓吹千騎對

梅花更消一醉有明年調鼎風味老病自憐憔悴過吾廬定有幽人相問歲晚淵明歸來未

木蘭花慢

席上呈張仲固帥興元

漢中開漢業問此地是耶非想劒指三秦君王得意一戰東歸追亡事今不見但山川滿目淚沾衣落日胡塵未斷西風塞馬空肥一編書是帝王師小試去征西更草草離筵匆匆去路愁滿旌旗君思我回首處正江涵秋影鴈初飛安得車輪四角不堪帶減腰圍

又
滁州送范倅

老來情味減對別酒怯流年况屈指中秋十分
好月不照人圓無情水都不管共西風只等送
歸船秋晚蓴鱸江上夜深兒女燈前去征衫便
好去朝天玉殿正思賢想夜半承明留教視草
却遣籌邊長安故人問我道尋常泥酒只依然
目斷秋霄落鴈醉來時嚮空絃
量不長朝中措

綠萍池沼絮飛忙花入蜜脾香長恠春歸何處

誰知箇裏迷藏
殘雲剩雨些兒意思
直恁思量
不是鶯聲驚覺
夢中啼損紅粧

籃輿嫋嫋破重岡
玉笛兩紅粧
這裏都愁酒盡
那邊正和詩忙
爲誰醉倒爲誰歸去
都莫思量
白水東邊籬落斜陽
欲下牛羊
西風只

祝英臺令

晚春

寶釵分桃葉渡烟柳暗南浦
怕上層樓十日九

風雨斷腸片片飛紅都無人管倩誰喚流鶯聲
住鬢邊覷試把花卜心期纔簪又重數羅帳
燈昏嗚咽夢中語是他春帶愁來春歸何處却
不解將愁歸去

烏夜啼

山行約范廓之不至

江頭醉倒山公月明中記得昨宵歸路笑兒童
溪欲轉山已斷兩三松一段可憐風月欠詩

翁

又

廓之見和復用前韻

人言我不如公酒頻中更把平生湖海問兒童
千尺蔓雲葉亂繫長松却笑一身纏繞似衰

翁

鵲橋仙

爲人慶八十席間戲作

朱顏暈酒方瞳點漆閑傍松邊倚杖不須更展
畫圖看自是箇壽星模樣今朝盛事一杯深
勸更把新詞齊唱人間八十最風流長帖在兒
兒額上

太常引

壽南澗

君王著意履聲間
便令押紫宸班
今代又尊韓
道吏部文章泰山
一杯千歲問公何事早伴
赤松閑功業後來看似江左風流謝安

昭君怨

豫章寄張定叟

長記瀟湘秋晚
歌舞橘洲人散
走馬月明中折芙蓉
今日西山南浦
盡棟珠簾雲雨
風景不爭多奈愁何

採桑子

書博山道中壁

烟迷露麥荒池柳洗雨烘晴洗雨烘晴一樣春
風幾樣青提壺脫袴催歸去萬恨千情萬恨
千情各自無聊各自鳴

杏花天

無題

病來自是於春懶但別院笙歌一片蛛絲網遍
玻璃盞更問舞裙歌扇有多少鶯愁蝶怨甚
夢裏春歸不管楊花也笑人情淺故故沾衣撲

面

踏歌

擷厥看精神壓一尫兒劣更言語一似春鶯滑
一團兒羨滿香和雪去也把春衫換却同心結
向人道不怕輕離別問昨宵因甚歌聲咽秋被
夢春閨月舊家事却對何人說告弟弟莫趁蜂
和蝶有春歸花落時節

一落索

閨思

羞見鑑鸞孤却倩人梳掠一春長是爲花愁甚

夜夜東風惡
行遶翠簾珠箔
錦牋誰託玉觴
淚滿却停觴
怕酒似郎情薄

千秋歲

爲金陵史致道留守壽

塞垣秋草又報平安
好尊俎上英雄表
金湯生氣象
珠玉霏談笑
春近也梅花得似人難老
莫惜金尊倒鳳詔
看看看到留不住
江東小從容
帷幄去整頓
乾坤了
千百歲從今盡是中書考

感皇恩

爲范倅壽

春事到清明十分花柳喚得笙歌勸君酒酒如
春好春色年年如舊青春元不老君知否
上看君竹清松瘦待與青春鬪長久三山歸路
明日天香襟袖更持銀盞起爲君壽

青玉案

寒食日且元夕

東風夜放花千樹更吹落星如雨寶馬雕車香
滿路鳳簫聲動玉壺光轉一夜魚龍舞蛾兒
雪柳黃金縷笑語盈盈暗香去衆裏尋他千百
度驀然回首那人却在
闌珊處

更羨秋霜天曉角

雲嶂黃金旅興

吳頭楚尾一棹人千里休說舊愁新恨長亭樹

今如此宦遊吾倦矣玉人留我醉明日萬花

寒食得且住為佳耳

南鄉子

舟中記夢

歌枕艣聲邊貪聽咿啞聒醉眠變作笙歌花底

去依然翠袖盈盈在眼前別後兩眉尖欲說

還休夢已闌只記埋冤前夜月相看不管人愁

獨自圓

阮郎歸

未陽道中

山前風雨欲黃昏
山頭來去雲鷓鴣聲裏數家
村瀟湘逢故人
揮羽扇整綸巾少年鞍馬塵
如今憔悴賦招魂
儒冠多誤身

南歌子

萬萬千千恨
前前後後後山傍
人道我轎兒寬不
道被他遮得望
伊難
今夜江頭樹
船兒繫那
邊
知他熱後甚
時眠
萬萬不成眠
後有誰扇

戲映出小重山
倩得薰風染綠衣
國香收不起
透冰肌
略開些
子未多時
窓兒外
却早被人知
越惜越嬌癡
一枝雲鬢上
那人宜莫將他去
比茶蘼
分明是他更的些兒

席上和人韻送李子永

旋製離歌唱未成
陽關先畫出
柳邊亭
中年懷抱管絃聲
難忘處
風月此時情
夜雨共誰聽

儘教清夢去兩三程商量詩價重連城相如老
漢殿舊知名土青青草輒裏蠻音卧散我白親

西江月山園書所見

千丈懸崖削翠一川落日鎔金白鷗來往本無
心選甚風波一任別浦魚肥堪膾前村酒美
重斟千年往事已沉沉開管興亡則甚

減字木蘭花王氏菴

偷嫌位盡紀壁間題翠屋上松風吹急雨破紙
盈盈淚眼往日青樓天樣遠秋月春花輸與尋

常姊妹家 水村山驛日暮行雲無氣力錦字
偷裁立盡西風鴈不來

清平樂

博山道中即事
柳邊飛鞚露濕征衣重宿鷺驚窺沙影動應有
魚鰕入夢一川淡月踈星浣沙人影娉婷笑
背行人歸去門前稚子啼聲

又

和人韻送李子永

茅簷低小溪上青青草醉裏蠻音相媚好白髮
誰家翁媪大兒鋤豆溪東中兒正織雞籠最

喜小兒亡賴溪頭卧剥蓮蓬

檢校山園書所見

斷崖脩竹竹裏藏冰玉路繞清溪三百曲香滿
黃昏雪屋行人繫馬踈籬折殘猶有高枝留
得東風數點只緣嬌嬾春遲

獨宿博山王氏菴

遶牀飢鼠蝙蝠翻燈舞屋上松風吹急雨破紙
窓間自語平生塞北江南歸來華髮蒼顏布

被秋宵夢覺眼前萬里江山
雜來華髮蒼顏亦

又無融晴嫩穠望土外風如急雨如

檢校山園書所見

連雲松竹萬事從今足
拄杖東家分社肉
白酒牀頭初熟
西風梨棗山園
兒童偷把長竿
莫遣旁人驚去
老夫靜處閑看

生查子
蘇水王祝熱青笑三百曲香

山行寄楊民瞻

昨宵醉裏行山吐三更月不見
可憐人一夜頭如雪
今宵醉裏歸明月關山笛
收拾錦囊詩

要寄揚雄宅

民瞻見和復用前韻

誰傾滄海珠
簸弄千明月
喚取酒邊來
軟語裁春雪
人間無鳳凰
空費穿雲笛
醉倒却歸來
松菊陶潛宅

山鬼謠

兩岩有石狀恠甚
取離騷九歌名曰
山鬼因賦摸魚兒
改今名
問何年此山來
此西風落日無語看
君似是羲

皇上直作太初名汝溪上路算只有紅塵不到
今猶古一杯誰舉笑我醉呼君崔嵬未起山鳥
覆杯去 須記取昨夜龍湫風雨門前石浪掀
舞四更山鬼吹燈嘯驚倒世間兒女依約處還
問我清遊杖屨公良苦神交心許待萬里攜君
鞭笞鸞鳳誦我遠遊賦

聲聲慢

旅次登樓作

征埃成陣行客相逢都道幻出層樓指點簷牙
高處浪擁雲浮今年太平萬里罷長淮千騎臨

秋凭闌望有東南佳氣西北神州 千古懷嵩
人去應笑我身在楚尾吳頭看取弓刀陌上車
馬如流從今賞心樂事賸安排酒令詩籌華胥
夢願年年人似舊遊

滿江紅

題冷泉亭

直節堂堂看夾道冠纓拱立漸翠谷羣仙東下
珮環聲急聞道天峰飛墮地傍湖千丈開青壁
是當年玉斧削方壺無人識 山木潤琅玕濕
秋露下瓊珠滴向危亭橫跨玉淵澄碧醉舞且

搖鸞鳳影浩歌莫遣魚龍泣恨此中風月本吾
家今爲客

又

再用前韻

照影溪梅悵絕代幽人獨立更小駐雍容千騎
羽觴飛急琴裏新聲風響珮筆端醉墨鴉栖壁
是使君文度舊知名方相識清可漱泉長滴
高欲卧雲還濕快晚風吹贈滿懷空碧寶馬嘶
歸紅旆動團龍試碾銅瓶泣怕他年重到路應
迷桃源客

萬芥泚又春雲如林泚春雲如林泚春雲如林泚

天土乘暮春向人間靜暮春又起玉錦龍去

可恨東君把春去春來無迹便過眼等閑輸了

三分之一晝永暖翻紅杏雨風晴扶起垂楊力

更天涯芳草最關情烘殘日 湘浦岸南塘驛

恨不盡愁如積算年年孤負對他寒食便恁歸

來能幾許風流已自非疇昔凭畫闌一線數飛

鴻沉空碧

又

和民瞻送祐之弟還侍浮梁

塵土西風便無限淒涼行色還記取明朝應恨
今宵輕別珠淚爭垂華燭暗鴈行中斷哀箏切
看扁舟幸自澁清溪休催發 白首路長亭仄
千樹柳千絲結怕行人西去棹歌聲闕黃卷莫
教詩酒污玉階不信仙凡隔但從今伴我又隨
君佳哉月

和廓之雪

天上飛瓊畢竟向人間情薄還又跨玉龍歸去
萬花搖落雲破林梢添遠岫月臨屋角分層閣

記少年駿馬走韓盧掀東郭吟凍鴈嘲飢鵲
人已老歡猶昨對瓊瑤滿地與君酬酢最愛霏
霏迷遠近却收擾擾還寥廓待羔兒酒罷又烹
茶揚州鶴

又

稼軒居士花下與鄭使君惜別醉賦
侍者飛卿奉命書

折盡荼蘼尚留得一分春色還記取青梅如彈
共伊同摘少日對花昏醉夢而今醒眼看風月
恨牡丹笑我倚東風形如雪只人漸遠君休說

榆莢陣菖蒲葉筭不因風雨只因鷓鴣老冉冉
兮花共柳是栖栖者蜂和蝶也不因春去有閑
愁因離別

又

席間和洪舍人兼簡司馬漢章

天與文章看萬斛龍文筆力聞道是一詩曾賜
千金顏色欲說又休新意思強啼偷笑真消息
筭人人合與共乘鸞鑿坡客 傾國艷難再得
還可恨還堪憶看書尋舊錦衫裁新碧鶯蝶一
春花裏活可堪風雨飄紅白問誰家却有燕歸

梁香泥濕

集目錄



滿江紅

賀新郎

五

水調歌頭

念奴嬌

五

稼軒詞甲集

吟

最高樓

瑞鶴仙

漢宮春

滿園春

蝶詞歌

水龍吟

卜算子

江神子

鷓鴣天

西江月

菩薩蠻

朝中措

鷓鴣仙

榆莢陣舊蒲葉筭不因風雨只因鷓鴣老得舟
分花共柳是洒洒若蜂和蝶也不因春去有將
愁因離別

又

席間和洪舍人兼蘇司馬漢章

大與文章看萬斛龍文筆力開道是一詩曾賜

蘇神隄甲兼說又休新意思強啼偷笑真消息

弄人人合與其乘鸞攀妓客傾國艷難再解

還可恨送堪憶看書尋舊錦衫裁新碧萬蝶一

乘香豔豔可堪風雨飄紅



稼軒詞乙集目錄

滿江紅 四

賀新郎 五

水調歌頭 六

念奴嬌 五

水龍吟 五

最高樓 四

瑞鶴仙

漢宮春

沁園春 二

歸朝歡

水龍吟 二

卜算子

江神子 二


鷓鴣天 十

西江月

菩薩蠻 三

朝中措

鵲橋仙 二



臨江仙 二

定風波 六

浣溪沙 四

杏花天 三

鵲橋仙 四

虞美人 十四

蝶戀花 四

感皇恩

一枝花 二

永遇樂

御街行 二

生查子

漁家傲 五

好事近 四

行香子 六

南歌子 五

清平樂 三

浪淘沙 五

蘇神詩
虞美人 三

新荷葉

生查子

西江月

糖多令

南王孫信

即尋芳草

一剪梅

玉樓春

三

南鄉子

憶王孫

柳梢青

惜分飛

稼軒詞乙集目錄

湘江仙

定風波

淡溪沙

杏花天

蘇博同子集目錄

虞美人

瑞德花

虞美人

一枝花

水邊寒

淋淋青

散金兼

南職

勤玉經

不傳辭

玉艷春

辭多命

玉絲詠

若草

去查長

西行賦

稼軒詞乙集

濟南辛

弃疾
幼安

滿江紅

送徐撫幹衡仲之官三山時馬叔會
侍郎帥閩

絕代佳人曾一笑傾城傾國休更嘆舊時清鏡
而今華髮明日伏波堂上客老當益壯翁應說
恨苦遭鄧禹笑人來長寂寂
詩酒社江山筆
松菊徑雲烟屐怕一觴一咏風流絃絕我夢橫
江孤鶴去覺來却與君相別記功名萬里要吾

身佳眠食

敲碎離愁紗窗外風搖翠竹人去後吹簫聲斷
倚樓人獨滿眼不堪三月暮舉頭已覺千山綠
但試將一紙寄來書從頭讀相思字空盈幅
相思意何時足滴羅襟點點淚珠盈掬芳草不
迷行客路垂楊只碍離人目最苦是立盡月黃
昏闌干曲

又

倦客新豐貂裘敝征塵滿目彈短鋏青蛇三尺

浩歌誰續不念英雄江左老用之可以尊中國
嘆詩書萬卷致君人番沉陸休感嘆年華促
人易老歡難足有玉人憐我爲簪黃菊且置請
纓封萬戶竟須賣劔酌黃犢嘆當年寂寞賈長
沙傷時哭向誰

又朝回又自東
暮春

家住江南又過了清明寒食花徑裏一番風雨
一番狼籍流水暗隨紅粉去園林漸覺清陰密
算年年落盡刺桐花寒無力
庭院靜空相憶

無說處閑愁極怕流鶯乳燕得知消息尺素如
今何處也彩雲依舊無踪跡謾教人羞去上層
樓平蕪碧

賀新郎

但試將又陳同父自東陽來過余留十日與之
同遊鵝湖且會朱晦菴於紫溪不至
飄然東歸既別之明日余意中殊戀
戀復欲追路至鷺鷥林則雪深泥滑
不得前矣獨飲方村悵然久之頗恨
挽留之不遂也夜半投宿泉湖吳氏

又四望樓聞隣笛悲甚爲賦賀新郎以
見意又五日同父書來索詞心所同
然者如此可發千里一笑

把酒長亭說看淵明風流酷似卧龍諸葛何處
飛來林間鵲感踏松梢微雪要破帽多添華髮
剩水殘山無態度被疎梅料理成風月兩三鴈
也蕭瑟佳人重約還輕別悵清江天寒不渡
水深冰合路斷車輪生四角此地行人銷骨問
誰使君來愁絕鑄就而今相思錯料當初費盡
人間鐵長夜笛莫吹裂

人間燈又來舊莫如樂孔得知消息又素如
暗對我來同父見和再用前韻檢律當吟費盡
老大猶堪說似而今元龍臭味孟公瓜葛我病
君來高歌飲驚散樓頭飛雪笑富貴千鈞如髮
硬語盤空誰來聽記當時只有西窓月重進酒
喚鳴瑟間事無兩樣人心別問渠儂神州畢竟
幾番離合汗血鹽車無人顧千里空收駿骨正
目斷關河路絕我最憐君中宵舞道男兒到死
心如鐵看試手補天裂

又

四望對聞潮當悲甚爲風資濤浪以

蘇軾詩集 用前韻送杜叔高

細把君詩說，悵餘音鈞天浩蕩。洞庭膠葛千尺，
陰崖塵不到。惟有層冰積雪乍，一見寒生毛髮。
自昔佳人多薄命，對古來一片傷心月。金屋冷
夜調瑟，去天尺五君家別。看乘空魚龍慘淡，
風雲開合。起望衣冠神州路，白日銷殘戰骨歎。
夷甫諸人清絕，夜半狂歌悲風起。聽錚錚陣馬
簷間鐵，南共北正分裂。期宮煥，所無交絲，補詩

長調五又客盡賦音亭於焚詩出塞黃塵飛雪
鳳皇館香聽琵琶云霞莫曲譜奏番風以景苦

鳳尾龍香撥自開元霓裳曲罷幾番風月最苦
潯陽江頭客盡舸亭亭待發記出塞黃雲堆雪
馬上離愁三萬里望昭陽宮殿孤鴻沒絃解語
恨難說人遼陽驛使音塵絕瑣窓寒輕攏慢撚
淚珠盈睫推手含情還却手一抹梁州哀徹千
古事雲飛烟滅賀老定場無消息想沉香亭北
繁華歇彈到此爲嗚咽來
瀟湘葡萄漲人解扁舟欲去又檣燕留人相語
柳暗清波路送春歸猛風暴雨一番新綠千里

艇子飛來生塵步
唾花寒唱我新番
句波似箭催鳴櫓
黃陵祠下山無數
聽湘娥泠泠曲罷
爲誰情苦行到東
吳春已暮正江濶
潮平穩渡望金雀
觚稜翔舞前度劉
郎今重到問玄都
千樹花存否愁爲
倩么絃訴

水調歌頭

調歌頭席間次韻時王公

嚴子文同傳安道和盟鷗韻和以謝
寄我五雲字恰向酒邊來東風過盡歸鴈不見
客星回聞道瑣窓風月更著詩翁杖屨合作雪

堂猜歲旱莫留客霖雨要渠來
短檠燈長劒
缺欲生苔雕弓挂壁無用照影落清杯
多病關心藥裹小摘親鉏菜甲老子正須
哀夜雨北窓
竹更倩野人栽

又

送太守王秉

酒罷且勿起重挽史君鬚
一身都是和氣別去
意何如我輩情鍾休問父老田頭說
尹淚落獨
憐渠秋水見毛髮
千尺定無魚
望清闕
左黃閣
右紫樞
東風桃李陌
上下馬拜除書
屈指吾

生餘幾多病故人痛飲此事正愁余江湖有歸
鴈能寄草堂無

又

淳熙丁酉自江陵移帥隆興到官之

二月被召司馬監趙卿王漕餞別司

馬賦水調歌頭席間次韻時王公明

樞密薨坐客終夕爲興門戶之嘆故

前章及之

我飲不須勸正怕酒尊空別離亦復何恨此別
恨匆匆頭上貂蟬貴客花外麒麟高冢人世竟

誰雄一笑出門去千里落花風
孫劉輩能使我不爲公余髮
種種如是此事付渠儂但覺
平生湖海除了醉吟風月此
外百無功毫髮皆帝力更乞
鑑湖東

又

送鄭厚卿赴衡州

寒食不小住千騎擁春衫
衡陽石鼓城下記我舊停驂
襟似瀟湘桂嶺帶似洞庭春
草紫蓋屹東南文字起騷雅
刀劔化耕蠶看使君於此事
定不凡奮髯抵几堂上尊俎
自高談莫信君

門萬里但使民歌五袴歸詔鳳凰啣君去我誰
飲明月影成三

又

元日投宿博山寺見者驚嘆其老

頭白齒牙缺君勿笑衰翁無窮天地今古人在
四之中臭腐神竒俱盡貴賤賢愚等耳造物也
兒童老佛更堪笑談妙說虛空坐堆虀行荅
颯立龍鐘有時三盞兩盞淡酒醉蒙鴻四十九
年前事一百八盤狹路拄杖倚墻東老境何所
似只與少年同

又

和德和上南澗韻

上界足官府公是地行仙青氈劍履舊物玉立
侍天顏莫恠新來白髮恐是當年柱下道德五
千言南澗舊活計猿鶴且相安 歌秦缶寶康
瓠世皆然不知清廟鐘磬零落有誰編堪笑行
藏用舍試問山林鐘鼎底事有虧全再拜荷公
賜雙鶴一千年

念奴嬌

雙陸和坐客韻

少年握槊氣憑陵
酒聖詩豪餘事縮
手傍觀初未識
兩兩三三而已
變化須臾鷗飛
石鏡鵲抵星橋
搗殘秋練玉砧
猶想纖指堪笑
千古爭心等閑
一勝拚了光陰
費老子忘機渾
謾與鴻鵠飛來
天際武媚宮中
韋娘局上休把
興亡記布衣百
萬看君一笑沉
醉

用東坡赤壁韻
儻來軒冕問還
是今古人間何
物舊日重城愁
萬里風月而今
堅壁藥籠功名
酒壚身世可惜

蒙頭雪浩歌一曲坐中人物之傑
堪嘆黃菊凋零孤標應也有梅花
爭發醉裏重揩西望眼惟有孤鴻
明滅世事從教浮雲來去枉了衝
冠髮故人何在長歌應伴殘月

道人元是道家風來作烟霞中物
翠幃裁犀遮不定紅透玲瓏油壁
借得春工惹將秋露熏做江梅雪
我評花譜便應推此爲傑憔悴何
處芳枝十郎手種看明年花發坐
對虛空香色界

不怕西風起滅別駕風流多情更要簪滿姮娥
髮等閑折盡玉斧重倩脩月

贈女善作墨梅

江南盡處墮玉京仙子絕塵英秀彩筆風流偏
解寫姑射冰姿清瘦笑殺春工細窺天巧妙絕
應難有丹青圖畫一時都愧凡陋還似籬落
孤山嫩寒清曉祗欠香沾袖淡竚輕盈誰付與
弄粉調朱纖手疑是花神竭來人世占得佳名
久松篁佳韻倩君添做三友

入仙臺又難計欲知三丈之仙
疎疎淡淡問阿誰堪比天真顏色笑殺東君虛
占斷多少朱朱白白雪裏溫柔水邊明秀不借
春工力骨清香嫩迥然天與竒絕
寒輕瑣窻人睡起玉纖輕摘漂泊天涯空瘦損
猶有當年標格萬里風烟一溪霜月未怕欺他
得不如歸去閨苑有箇人憶

水龍吟

盤園任帥子嚴挂冠得請取執政書

又中語以高風名其堂來索詞爲賦水
龍吟薊林侍郎向公告老所居高宗
皇帝御書所賜名也與盤園相並云
斷崖千丈孤松挂冠更在松高處平生袖手故
應休矣功名良苦笑指兒曹人間醉夢莫嗔驚
汝問黃金餘幾旁人欲說田園計君推去嘆
息薊林舊隱對先生竹窓松戶一花一草一觴
一詠風流杖屨野馬塵埃扶搖下視蒼然如許
恨當年九老圖中忘却畫盤園路

又

又寄題京口范南伯家文官花花先白
則當平次綠次緋次紫唐會要載學士院有
一稿風流之
倚闌看碧成朱等閑褪了香袍粉上林高選
匆又換紫雲衣潤幾許春風朝薰暮染為花忙
損笑舊家桃李東塗西抹有多少淒涼恨
倩流鶯說與記榮華易消難整人間得意千紅
百紫轉頭春盡白髮憐君儒冠曾悞平生官冷
笑風流未減年年醉裏把花枝問

又

中
詞
以
高
風
各
其
堂
來
陳
隨
為
題
本

題雨岩岩類今所畫觀音補陀岩中
有泉飛出如風雨聲

補陀大士虛空翠岩誰記飛來處蜂房萬點似
穿如碍玲瓏窓戶石髓千年已垂未落嶙峋冰
柱有怒濤聲遠落花香在人疑是桃源路 又
說春雷鼻息是卧龍彎環如許不然應是洞庭
張樂湘靈來去我意長松倒生陰壑細吟風雨
竟茫茫未曉只應白髮是開山祖

題瓢泉

稼軒何必長貧放泉簷外瓊珠瀉樂天知命古
來誰會行藏用舍人不堪憂一瓢自樂賢哉回
也料當年曾問飯蔬飲水何爲是栖栖者 且
對浮雲山上莫匆匆去流山下蒼顏照影故應
流落輕裘肥馬遶齒冰霜滿懷芳乳先生飲罷
笑挂瓢風樹一鳴渠碎問何如啞

又
用些語再題瓢泉歌以飲客聲韻甚
諧客爲之醺

聽兮清珮瓊瑤些明兮鏡秋毫些君無去此流

昏漲膩生蓬蒿些虎豹甘人渴而飲汝寧猿猴
些大石流江海覆舟如芥君無助狂濤些
險兮山高些愧余獨處無聊些冬槽春盎歸來
爲我製松醪些其外芳芬團龍片鳳煮雲膏些
古人兮旣往嗟余之樂樂簞瓢些

最高樓

送丁懷忠

相思苦君與我同心魚沒鴈沉沉是夢他松後
追軒冕是化爲鶴後去山林對西風直悵望到
如今待不飲奈何君有恨待痛飲奈何吾有

病君起舞試重斟蒼梧雲外湘妃淚鼻亭山下
鷓鴣吟早歸來流水外有知音

又

吾擬乞歸犬子以田產未置止我賦

此罵之

吾衰矣須富貴何時富貴是危機暫忘設醴抽
身去未曾得米棄官歸穆先生陶縣令是吾師
待葺箇園兒名佚老更作箇亭兒名亦好閑
飲酒醉吟詩千年田換八百主一人人口插幾張
是休休休更說甚是和非

又

荅晉臣

花好處不趁綠衣郎
縞袂立斜陽
面皮兒上因誰
白骨頭兒裏
幾多香儘饒他心
似鐵也須忙
甚喚得雪來白
倒雪喚得月來香
殺月誰立馬更窺牆
將軍止渴山南畔
相公調鼎殿東
廂忒高才
經濟地
戰爭場

又

為洪內翰慶七十

金閨老眉壽
正如川七十
且華筵樂天詩句香

山裏杜陵酒債曲江邊問何如歌窈窕舞嬋娟
更十歲太公方出將又十歲武公才入相留
盛事看明年直須腰下添金印莫教頭上欠貂
蟬向人間長富貴地行仙

瑞鶴仙

上洪倅壽

黃金堆到斗怎得似長年畫堂勸酒蛾眉最明
秀向水沉烟裏兩行紅袖笙歌擱就爭說道明
年時候被姮娥做了殷勤仙桂一枝入手知
否風流別駕近日人呼文章太守天長地久歲

歲上迺翁壽記從來人道相門出相金印累累
儘有但直須周公拜前魯公拜後

漢宮春

即事

行李溪頭有釣車茶具曲几團蒲兒童認得前
度過者籃輿時時照影甚此身徧滿江湖悵野
老行歌不住定堪與語難呼一自東籬搖落
問淵明歲晚心賞何如梅花正自不惡曾有詩
無知翁止酒待重教蓮社人沽空悵望風流已
矣江山特地愁予

笑山沁園春

無賦會弄溪賦

有酒忘杯有筆忘詩弄溪奈何看縱橫斗轉龍
蛇起陸崩騰決去雪練傾河娟娟東風悠悠倒
景搖動雲山水又波還知否欠菖蒲攢港綠竹
緣坡長松誰剪差我笑野老來芸山上禾筭
只因魚鳥天然自樂非關風月閑處偏多芳草
春深佳人日暮濯髮滄浪獨浩歌徘徊久問人
間誰似老子婆娑

又

再到期思卜築

一水西來千丈晴虹十里翠屏喜草堂經歲重
來杜老斜川好景不負淵明老鶴高飛一枝投
宿長笑蝸牛戴屋行平章了待十分佳處著箇
茅亭青山意氣崢嶸似爲我歸來嫵媚生解
頻教花鳥前歌後舞更催雲水暮送朝迎酒聖
詩豪可能無勢我乃而今駕馭卿清溪上被山
靈却笑白髮歸耕

歸朝歡

題晉臣積翠岩

我笑共工緣底怒觸斷峩峩天一柱補天又笑
女媧忙却將此石投閑處野烟荒草路先生柱
杖來看汝倚蒼苔摩挲試問千古幾風雨長
被兒童敲火苦時有牛羊磨角去霍然千丈翠
岩屏鏘然一滴甘泉乳結亭三四五會相暖熱
攜歌舞細思量古來寒士不遇有時遇

水龍吟

過南劍雙溪樓
舉頭西北浮雲倚天萬里須長劍人言此地夜
深長見斗牛光焰我覺山高潭空水冷月明星

淡待燃犀下看凭闌却怕風雷怒魚龍慘峽
六江對起過危樓欲飛還斂元龍老矣不妨
高卧冰壺涼簟千古興亡百年悲笑一時登覽
問何人又卸片帆沙岸繫斜陽纜

別傅倅先之時傅有召命

只愁風雨重陽思君不見令人老行期定否征
車幾兩去程多少有客書來長安却早傳聞追
詔問歸來何日君家舊事直須待爲霖了從
此蘭生蕙長吾誰與玩茲芳草自憐拙者功名

相避去如飛鳥只有良朋東阡西陌安排似巧
到如今巧處依前又拙把平生笑

車與雨卜筮子

谷晉臣渠有方是閑真得歸二堂

百郡怯登車千里輸流馬乞得膠膠擾擾身却

笑區區者野水玉鳴渠急雨珠跳瓦一榻清

風方是閑真得歸來也

高相水江神子

和人韻

梨花著雨晚來晴月朧明淚縱橫繡閣香濃深

鎖鳳簫聲未必人知春意思還獨自遶花行
酒兵昨夜壓愁城太狂生轉關情寫盡胸中塊
磊未全平却與平章珠玉價看醉裏錦囊傾

又

和陳仁和韻

寶釵飛鳳鬢驚鸞望重歡水雲寬腸斷新來翠
被香殘待得來時春盡也梅著子笋成竿
湘筠簾捲淚痕斑珮聲閑玉垂環箇裏溫柔容
我老其間却笑將軍三羽箭何日去定天山

鷓鴣天

斷腸

又

敗棋賦梅雨

漠漠輕撥不開江南細雨熟黃梅有情無意
東邊日已怒重驚忽地雷文雲柱礎水樓臺羅
衣費盡博山灰當時一識和羹味便道爲霖消
息來

又

重九席上再賦

有甚閑愁可皺眉老懷無緒自傷悲百年旋逐

花陰轉萬事長看鬢髮知
溪上枕竹間棋怕
尋酒伴懶吟詩十分筋力誇強健只比年時病
起時

又

石門道中
一

山上飛泉萬斛珠懸崖千丈落颺颺已通樵徑
行還碍似有人聲聽却無雨開畧勺遠浮屠溪
南脩竹有茅廬莫嫌杖屨頻來往此地偏宜著
老夫

又

送歐陽國瑞入吳中

莫避春陰上馬遲
春來未有不陰時
人情展轉閑中看
客路崎嶇倦後知
梅似雪柳如絲
試聽別語慰相思
短篷炊飯鱸魚熟
除却松江枉費詩

又

送廓之秋試

白紵新袍入嫩涼
春蠶食葉響迴廊
禹門已準桃花浪
月殿先收桂子香
鵬北海鳳朝陽又
攜書劍路茫茫
明年此日青雲去
却笑人間舉

子忙

又

和趙文鼎雪

莫上扁舟向剡溪
淺斟低唱正相宜
從犬吠千家白
且與梅成一段奇
香暖處酒醒時
畫簷玉筯已偷垂
笑君解釋春風恨
倩拂蠻牋只費詩

又

徐衡仲惠琴不受

千丈陰崖百丈溪
孤桐枝上鳳偏宜
玉音落落

雖難合橫理庚庚定自竒
人散後月明時試
彈幽憤淚空垂不如却付騷
人手留和南風解
愠詩

又

代人賦

陌上柔條初破芽東隣蠶種已生些
平岡細草鳴黃犢斜日寒林點暮鴉
山遠近路橫斜青旗沽酒有人家
城中桃李愁風雨春在溪頭野
薺花

又

又遊鷺湖醉書酒家壁

春入平原薺菜花
新耕雨後落羣鴉
多情白髮春無奈
晚日青烟酒易賒
閑意態細生涯
牛西畔有桑麻
青裙縞袂誰家女
去趁蠶生看外家

又

元谿不見梅

千丈清溪百步雷
柴門都向水邊開
亂雲賸帶炊烟去
野水閑將日影來
穿窈窕歷崔嵬
東林試問幾時栽
動搖意態雖多竹
點綴風流却

少梅

讀書

送元省幹

欹枕婆娑兩鬢霜
起聽簷溜碎喧江
那邊玉筋銷啼粉
這裏車輪轉別腸
未詩酒社水雲鄉
可堪醉墨幾淋浪
畫圖恰似歸家夢
千里河山寸許長

西江月

山前書報
夜行黃沙道中
轉處餘愁
明月別枝驚鵲
清風半夜鳴蟬
稻花香裏說豐

年聽取蛙聲一片
七八箇星天外
兩三點雨
山前舊時茅店
社林邊路轉溪橋
忽見

菩薩蠻

淡黃弓樣鞋兒
小腰肢
只怕風吹倒
驀地管絃
催一團紅雪飛
曲終嬌欲訴
定憶梨園譜
指日按新聲
主人朝玉京

乙巳冬前間舉似前作因和之

錦書誰寄相思語
天邊數徧飛鴻
數一夜夢千
回梅花入夢來
漲痕紛樹髮
霜落沙洲白
心

事莫驚鷗人間千萬愁

又

雙韻賦摘阮

阮琴斜挂香羅綬玉纖初試琵琶手桐葉雨聲
乾真珠落玉盤朱絃調未慣笑倩春風伴莫
作別離聲且聽雙鳳鳴

朝中措

爲人壽

年年金蕊艷西風人與菊花同霜鬢經春重綠
仙姿不飲長紅焚香度日儘從容笑語調兒

童一歲一杯爲壽從今更數千鍾

鵲橋仙

送祐之歸浮梁

小窓風雨從今便憶中夜笑談清軟啼鴉衰柳
自無聊更管得離人腸斷詩書事業青氈猶
在頭上貂蟬會見莫貪風月卧江湖道日近長
安路遠

又

山行書所見

松岡避暑茅簷避雨閑去閑來幾度醉扶孤石

看飛泉又却是前回醒處
東家娶婦西家歸
女燈火門前笑語釀成千頃稻花香夜夜費一
天風露

臨江仙

和南澗韻

風雨催春寒食近平原
一片丹青溪邊喚渡柳
邊行花飛蝴蝶亂桑嫩野蠶生
綠野先生閑
袖手却尋詩酒功名未
知明日定陰晴今宵成
獨醉却笑衆人醒

又

又為岳母壽

住世都無菩薩行仙家風骨精神壽如山岳福
如雲金花湯沐誥竹馬綺羅羣更願昇平添
喜事大家禱祝殷勤明年此地慶佳辰一杯千
歲酒重拜太夫人

定風波

用藥名招馬荀仲遊雨岩馬善醫

山路風來草木香雨餘涼意到胡牀泉石膏肓
吾已甚多病隄防風月費篇章孤負尋常山
簡醉獨自故應知子草玄忙湖海早知身汗漫

誰伴只甘松竹共淒涼

又

席上送范廓之遊建康

聽我尊前醉後歌
人生亡奈別離何
但使情親千里近
須信無情對面是山河
寄語石頭城下水
居士而今渾不怕
風波借使未如鷗鳥慣
相伴也應學得老漁蓑

又

再和前韻藥名

仄月高寒水石鄉
倚空青碧對禪牀
白髮自憐

心似鐵風月使君子細與平章 已判生涯筇
竹杖來往却慙沙鳥笑人忙便好賸留黃絹句
誰賦銀鈎小草晚天涼

又

大醉自諸葛溪亭歸窓間有題字今
戒飲者醉中戲作

昨夜山公倒載歸兒童應笑醉如泥試與扶頭
渾未醒休問夢魂猶在葛家溪 千古醉鄉來
往路知處溫柔東畔白雲西起向綠窓高處看
題遍劉伶元自有賢妻

又

施樞密席上賦

春到蓬壺特地晴
神仙隊裏相公行
翠玉相挨呼小字
須記笑簪花底是飛璫
總是傾城來一處
誰妒誰攜歌舞到園亭
柳妒腰肢花妒艷
聽看流鶯直是妒歌聲

又

杜鵑花

百紫千紅過了春
杜鵑聲苦不堪聞
却解啼教春小住
風雨空山招得海棠魂
一似蜀宮當

日女無數猩猩血染赭羅巾畢竟花開誰作主
記取大都花屬惜花人

浣溪沙

贈子文侍人名笑笑

儂是嶽崎可笑人不妨開口笑時頻有人一笑
坐生春歌欲顰時還淺笑醉逢笑處却輕顰
宜顰宜笑越精神

別成上人併送性禪師

梅子熟時到幾回桃花開後不須猜重來松竹

意徘徊 慣聽禽聲渾可譜飽觀魚陣已能排
晚雲挾雨喚歸來

又

種梅菊

百世孤芳肯自媒直須詩句與推排不然喚近
酒邊來 自有淵明方有菊若無和靖即無梅
只今何處向人開

又

漫興作

未到山前騎馬回風吹雨打已無梅共誰消遣

兩三杯 一似舊時春意思百無是處老形骸
也曾頭上帶花來

杏花天

嘲牡丹

牡丹比得誰顏色似宮中太真第一漁陽鼙鼓
邊風急人在沉香亭北 買栽池館多何益莫
虛把千金拋擲若教解語傾人國一箇西施也
得

鵲橋仙

贈人

風流標格惺鬆言語真箇十分奇絕三分蘭菊
十分梅鬪合就一枝風月 笙簧未語星河易
轉涼夜厭厭留客只愁酒盡各西東更把酒推
辭一霎

又

爲岳母慶八十

八旬慶會人間盛事齊勸一杯春釀燕脂小字
點眉間猶記得舊時宮樣 綵衣更著功名富
貴直過太公以上大家著意記新詞遇著箇十
字便唱

又

賀余察院生日

豸冠風彩繡衣聲
價曾把經綸少試
看看有詔日邊來
便入侍明光殿裏
東君未老花明柳
媚且引玉塵沉醉
好將三萬六千場
自今日從頭數起

又

送粉卿行

轎兒排了擔兒裝
了杜宇一聲催起
從今一步一回頭
怎睚得一千餘里
舊時行處舊時歌

處空有燕泥香墜莫嫌白髮不思量也須有思量去裏

虞美人

送趙達夫

一杯莫落吾人後富貴功名壽胸中書傳有餘
香着寫蘭亭小字記流觴問誰分我漁樵席
江海消閑日看君天上拜恩濃却恐畫樓無處
著東風

又

趙文鼎生日

翠屏羅幕遮前後舞袖翻長壽紫髯冠佩御爐
香看取明年歸奉萬年觴今宵池上蟠桃席
咫尺長安日寶烟飛焰萬花濃試看中間白鶴
駕仙風

又

夜深困倚屏風後試請毛延壽寶釵小立白翻
香旋唱新詞猶誤笑持觴四更山月寒侵席
歌舞催時日問他何處最情濃却道小梅搖落
不禁風

又

賦茶蘼

羣花泣盡朝來露，爭奈春歸去。不知庭下有茶蘼，偷得十分春色，怕春知。淡中有味清中貴，飛絮殘英避露華。微滲玉肌香，恰似楊妃初試出蘭湯。

蝶戀花

送行人

意態憨生元自好，學畫鴉兒，舊日偏他巧。蜂蝶不禁花引調，西園人去春風少。春已無情秋又老，誰管閑愁，千里青青草。今夜倩簪黃菊了。

斷腸明月霜天曉

不羨

又臨西園入士春風少

戊申元日立春席間作

誰向椒盤簪絲勝整整韶華爭上春風鬢往日

不堪重記省爲花長把新春恨 春未來時先

借問晚恨開遲早又飄零近今歲花期消息定

只愁風雨無憑準

又

春色韶華情老亦和春事

和江陵趙宰

春歸去不似良下

老去怕尋年少伴畫棟珠簾風月無人管公子

看花朱碧亂新詞攪斷相思怨
涼夜愁腸千
百轉一鴈西風錦字何時遣
畢竟啼烏才思短
喚回曉夢天涯遠

又

送鄭元英

莫向城頭聽漏點說與行人
默默情千萬總是
離愁無近遠人間兒女空恩怨
錦繡心胸水
雪面舊日詩名曾道空梁燕
傾蓋未償平日願
一杯早唱陽關勸

感皇恩

壽范倅

七十古來稀，人人都道不是陰功。怎生到松姿，雖瘦偏耐雲寒霜冷。看君雙鬢底，青青好樓雪。初晴庭闈嬉笑，一醉何妨。玉壺倒從今康健，不用靈丹仙草，更看一百歲人難老。

一枝花

醉中戲作

千丈擎天手，萬卷懸河口。黃金腰下印，大如斗。更千騎弓刀，揮霍遮前後。百計千方，久似鬪草兒童羸箇他家，偏有算枉了雙眉長，恁皺白。

髮空回首那時閑說向山中友看丘隴牛羊更
辨賢愚否且自栽花柳怕有人來但只道今朝
中酒

永遇樂

送陳光宗知縣

紫陌長安看花年少無限歌舞白髮憐君尋芳
較晚捲地驚風雨問君知否鴟夷載酒不似井
瓶身誤細思量悲歡夢裏覺來總無尋處 芒
鞋竹杖天教還了千古玉溪佳句落魄東歸風
流贏得掌上明珠去起看清鏡南冠好在拂了

舊時塵土向君道雲霄萬里這回穩步

御街行

山中問盛復之提幹行期

山城甲子冥冥雨門外青泥路杜鵑只是等閑
啼莫被他催歸去垂楊不語行人去後也會風
前絮情知夢裏尋鷓鴣玉殿追班處怕君不
飲太愁生不是苦留君住白頭自笑年年送客
自喚春江渡

又

無題

闌干四面山無數
供望眼朝與暮
好風催雨過
山來吹盡一簾煩
暑紗厨如霧
簾紋如水
別有生涼處
冰肌不受鉛華污
更旒旒真香聚
臨風一曲最妖嬌
唱得行人且住
藕花都放木犀
開後待與乘鸞去

生查子

遊雨岩

溪邊照影行
天在清溪底
天上有行雲
人在行雲裏
高歌誰和余
空谷清音起
非鬼亦非仙
一曲桃花水

漁家傲

雲裏 高爲金伯熙壽信之識云水打烏龜石
三台出此時伯熙舊居城西直龜山
之北溪水齧山足矣意伯熙當之耶
伯熙學道有新功一日語余云溪上
嘗得異石有文隱然如記姓名且有
長生等字余未之見也因其生朝姑
擬二事爲詞以壽之

道德文章傳幾世到君合上三台位自是君家
門戶事當此際龜山正抱西江水 三萬六千

排日醉鬢毛只恁青青地江裏石頭爭獻瑞分
明是中間有箇長生字

好事近

元夕立春

綵勝鬪華燈平地東風吹却喚取雪中明月伴
使君行樂紅旗鐵馬響春冰老去此情薄惟
有前村梅在倩一枝隨著

又

和淚唱陽關依舊字嬌聲穩回首長安何處怕
行人歸晚垂楊折盡只啼鴉把離愁勾引却

笑遠山無數被行雲低損

行香子

歸去來兮行樂休遲命由天富貴何時百年光
景七十者稀奈一番愁一番病一番衰 名利
奔馳寵辱驚疑舊家時都有些兒而今老矣識
破關機算不如閑不如醉不如癡

南歌子

獨坐蔗菴

玄入參同契禪依不二門靜看斜日隙中塵始
覺人間何處不紛紛 病笑春先老閑憐懶是

真百般啼鳥苦撩人除却提壺此外不堪聞

又

世事從頭減秋懷徹底清夜深猶道枕邊聲試
問清溪底事不能平月到愁邊白雞先遠處
鳴是中無有利和名因甚山前未曉有人行

清平樂

壽道夫

此身長健還却功名願枉讀平生三萬卷滿酌
金杯聽勸男兒玉帶金魚能消幾許詩書料
得今宵醉也兩行紅袖爭扶

我車言乙集
壽今宵又

壽趙民則提刑時新除且素不喜飲

詩書萬卷合上明光殿案上文書看未遍眉裏

陰功早見十分竹瘦松堅看君自是長年若

解尊前痛飲精神便是神仙

又

題上盧橋

清溪奔快不管青山礙千里盤盤平世界更著

溪山襟帶古今陵谷茫茫市朝往往耕桑此

地居然形勝似曾小小興亡

浪淘沙

送子似

金玉舊情懷
風月追陪扁舟千里興佳哉不似
子猷行半路却棹船回
來歲菊花開記我清
杯西風鴈過瑱山臺把似倩他書不到好與同
來

又

賦虞美人草

不肯過江東
玉帳匆匆至今草木憶英雄唱著
虞兮當日曲便舞春風
蓋兒女此情同往事朦

隴湘娥竹上淚痕濃舜蓋重瞳堪痛恨羽又重

瞳首豈工東匪則然終至今草木動乘車留樂

虞美人

賦虞美人草

當年得意如芳草日日春風好拔山力盡忽悲
歌飲罷虞兮從此奈君何人間不識精誠苦
貪看青青舞驀然斂袂却亭亭怕是曲中猶帶
楚歌聲

新荷葉

初秋訪悠然

物盛還衰眼看春葉秋其貴賤交情翟公門外
人稀酒酣耳熱又何須幽憤裁詩茂林修竹小
園曲逕踈籬一秋以爲期西風黃菊開時拄杖
敲門從他顛倒裳衣去年堪笑醉題詩醒後方
知而今東望心隨去鳥先飛

生查子

獨遊西岩

青山非不佳未解留儂住赤脚踏滄浪爲愛清
溪故朝來山鳥啼勸上山高處我意不關渠
自要尋蘭去

西江月

陳賦丹桂

宮粉厭塗嬌額濃粧要壓秋花西真人醉憶仙
家飛佩丹霞羽化十里芬芳未足一亭風露
先加杏腮桃臉費鉛華終慣秋蟾影下

糖多令

淑景鬪清明和風拂面輕小杯盤同集郊垌著
箇篙兒不肯上須索要大家行行步漸輕盈
行行笑語頻鳳鞋兒微褪些根忽地倚人陪笑
道真箇是脚兒疼

王孫信

調陳萃叟

有得許多淚又閑却許多鴛被枕頭兒放處都
不是舊家時怎生睡更也沒書來那堪被鴈
兒調戲道無書却有書中意排幾箇人人字

一剪梅

記得同燒此夜香人在回廊月在回廊而今獨
自睚昏黃行也思量坐也思量錦字都來三
兩行千斷人腸萬斷人腸鴈兒何處是仙鄉來
也恹惶去也恹惶

又

獨立蒼茫醉不歸
日暮天寒歸去來
兮探梅踏雪幾何時
今我來思楊柳依依
白石江頭曲岸
一片閑愁芳草萋萋
多情山鳥不須啼
桃李無言下自成蹊

玉樓春

席上爲黃倅賦龍從雨岩堂名通判
雨當時民謠吏垂頭亦渠攝郡時事
往年龍從堂前路
路上人誇通判雨
去年柱杖過瓢泉
縣吏垂頭民笑語
學窺聖處文章古

清到窮時風味苦
尊前老淚不成行
明日送君天上去

又

客有游山者
忘携具以詞來
索酒用韻以谷時
余有事不往

山行日日妨風雨
風雨晴時君不去
墻頭塵滿短轅車
門外人行芳草路
南城東野應聯句
好記琅玕題字處
也應竹裏著行厨
已向甕頭防吏部

又

又再和

人間反覆成雲雨，鳧鴈江湖來又去。十千一斗
飲中仙，一百八盤天上路。舊時楓葉吳江句，
今日錦囊無著處。看封關外水雲侯，剩按山中
詩酒部。

南鄉子

好箇主人家，不問因由便去。嗒病得那人妝，
晃了巴巴繫上裙兒穩也。哪別淚，沒些些海誓
山盟。總是賒今日，新歡須記取。孩兒更過十年
也似他。

又

隔戶語春鶯纔掛簾兒斂袂行漸見凌波羅襪
步盈盈隨笑隨顰百媚生 著意聽新聲盡是
司空自教成今夜酒腸還道窄多情莫放籠紗
蠟炬明

憶王孫

集句

登山臨水送將歸悲莫悲兮生別離不用登臨
怨落暉昔人非唯有年年秋鴈飛

柳梢青

賦牡丹

姚魏名流年年攬斷雨恨風愁
解釋春光剩須破費酒令詩籌
玉肌紅粉溫柔更染盡天香
未休今夜簪花他年第一玉殿東頭

惜分飛

春思

翡翠樓前芳草路寶馬墜鞭曾駐
最是周郎顧尊前幾度歌聲誤
望斷碧雲空日暮流水桃源
何處聞道春歸去更無人管
飄紅雨

稼軒詞乙集